

Zemljišnoknjižni ured Općinskog suda Sarajevo

# Za šest mjeseci upisano 21.456 nekretnina

► Zemljišnoknjižni ured Općinskog suda Sarajevo je u prvih šest mjeseci ove godine obradio 21.456 zahtjeva za upis nekretnina. Desetogodišnji zaostatak od 90.000 predmeta u ovoj oblasti sveden je na svega 4.261 neriješeni predmet.

Ovo je istaknuto na jučerašnjoj konferenciji za novinare na kojoj su predsjednik Općinskog suda Sarajevo Goran Salihović i šef GTZ/SIDA/ADA Projekta zemljišne administracije Jean-Luc Horisberger predstavili rezultate ostvarene u sklopu zemljišnoknjižnog sektora.

Salihović je istakao kako su



Za obradu zahtjeva sedam do 30 dana

uvođenjem elektronske obrade (unosom 125.000 elektronskih uložaka) i drugim organizacijskim mjerama stvorene pretpostavke za punu ažurnost zemljišnoknjižnog ureda.

Uskoro bi trebalo pristupiti povezivanju s LARIS - zemljišnoknjižnim softverom, kako bi građani u BiH, putem interneta, bili u mogućnosti provjeriti podatke koje se odnose na upis u zemljišnu knjigu i katastar.

Obrada zahtjeva za promjene u zemljišnim knjigama u Općinskom sudu Sarajevo traje od sedam do 30 dana, što je izuzetan napredak u odnosu na ranije stanje.